

آبونه شرائطی

ممالک عثمانیه ده سنه لکی (۶۵)، الق  
ایلو (۳۵) غروشد .

ممالک احمدیه ده سنه لکی (۹۷)، الق  
یلغی (۹) فرانقدر .

اداره خانه

باب عالی جاده سنده دائره مخصوصه

اضطرابات

آبونه بدلی پشندر .

§

مسلكه موافق آثار مع الممتونیه قبول  
اولتور . درج ابدلین یازیلر اعاده  
اولونماز .

# الشرایط

س ۱۳۳۰

دینی، فلسفی، علمی، ادبی، سیاسی هفته لاق مجموعه اسلامیه در .

والله یهدی من یشاء الی صراط مستقیم

صاحب و مدیر مسئول: ع . اشرف اربیب

اتبعون اهدکم سبیل الرشاد

## اضطرابات

رساله خردن آمدیخی کوسترملک شرطیله  
بتون یازیلر هر هانکی بر خیزته طرفنان  
اقتباس اولونه ییلیر .

§

مکتوبلرک، امضالرک واضح و اوقوناقلی  
اولسی و آبونه صره نومروسی محتوی  
بولونمسی لازمدر .

§

ممالک اجنبیه ایچون ونه اولر  
درس لریشک فرانسزجه ده یازلمسی رجا  
اولتور .

§

ره و ندرلدیکی زان نه یهد ژ اولدیغنک  
واضعا پیلدیلمسی رجا اولتور .

بورجلی به قولایق یابارسه الله تعالی حضرتلری اونک ایشی دنیا و آخرته آسان ایدر . قول مؤمن قارداشک یاردیمجیسی اولدقجه الله ده اونک یاردیمجیسیدر . هر کیم علم آراشدیرمق نیتله بر یوله کیرسه جناب حق اوکا او سایهده جنت یوللرندن بر یول آچار . هیچ بر جماعت یوقدرکه اللهمک اولرندن برنده طویلانوب قرآن او قوسونلر، بر برلرینه علم اوکرتسونلرده ملکلر اونلری چپ چوره صارماسون . اوزرلرینه سکنت نازل اولماسون ، کندیلرینی رحمت قابلاماسون و جناب حق آنلری نزد آتپسندده اولان ملاء اعلی ایچنده آکماسون . هر کیمی عملی کری براقرسه آتی نسبی ایلری کوتورمز .

۳

قال رسول الله صلى الله عليه وسلم سبب المسلم فسوق وقتاله كفر.

بو حدیث شریفی ابن مسعود طریقله امام احمد بن حنبل، بخاری، مسلم، ترمذی، نسائی و ابن ماجه؛ سعدایله ابو هریره طریقله ینه ابن ماجه؛ عبدالله بن مغفل ایله عمرو بن نعمان بن مقرن طریقله طبرانی؛ جابر بن عبدالله طریقله دارقطنی تخریج ایتمشدر. طبرانیك ده ابن مسعود طریقله ایتمدیکی روایتده (وحرمة ماله حرمة دمه) زیاده سی ده واردر .

مجموعتك مال شریفی :

رسول الله صلى الله عليه وسلم بووردی که مسلمان ایله سوکوشمک فاسقلق ، اوروشمق کافرلکدر . مسلمان مانک حرمتی قانتک حرمتی کیدر . احمد نعیم

## فقه و فتاوی

عمل اهل مدینه

سؤال : ۸ . عمل اهل مدینه نهدر ؟

جواب : ۸

عمل اهل مدینه امام مالک قبول ایتمدیکی ادله احکام شریعتدن بری در . اصول فقه کتابلرینک پک چوغی عمل اهل مدینه نی لایقیله ایضاح ایتمدیکندن نه اولدینی اکلایشیله میور، اغزلرده درلودرلو سوزلر طولاشیور .

بز بوبابده قدوة المحققین شیخ الاسلام الحرانی ایله اعظم اصولیین حنفیه دن فخر الاسلام زردوی ، اعظم فقهای شافعیه دن ابو اسحق شیرازی ، اعظم اصولیین حنبلیه دن ابن القیم الجوزیه ، اعظم اصولیین مالکیه دن ابن الحاجب ایله قرافی، مشاهیر اصولیین شافعیه دن جمال الدین - الاسنوی ایله قاضی عضدالایچی ، مشاهیر اصولیین حنفیه دن کشف صاحبی عبدالعزیز البخاری ایله التقرير والتحییر صاحبی ابن امیرالحاج وفصول - البدایع صاحبی المولی الفناری ، محدثین مالکیه دن موطأ مالک شارحی محمدالزرقانی کبی مذاهب اربعه سالکینی ارهسندده معروف و معتمد اولان

اهل علمک سوزلرینی دها آچیق بولدق . ذکر اولنان علماء اتی عشرک سوزلرینی خلاصه بیان ایدم :

عمل اهل مدینه : مدینه منوره اهلینک کابراً عن کابر [ ۱ ] نوارث ایده کلدکلری عملدر .

امام مالک « مدینه منوره اهلینی امور دینییه سلفلرینه تقلید ایدیلورلر ، و سورتله فخر المسلمین صلوات الله وسلامه علیهم اجمعین اقدم من حضرتلرینک افعال سنیهلرینی مشاهده ایدرک فعل جلیل نییه اقتدا ایتمش اولان صحابه کزینیه وارنجیه قدر البته خلف سلفه تقلید ایده کلشدر » دیه رک بلده طیبیه اهلینک بر عملده اتفاقلرینی ادله احکام شریعتدن عدایتشدر . اصول زردوی ده ، اللمعه ده ، کشف زردویده [ ۲ ] بیان اولندیغنه کوره امام مالک اجماعی انجق اهل مدینه نک اتفاقنه حصر ایدیلور . دیکر لرینک مخالفتی ، بشقه بر بلده ده کی اجماعی قبول ایتمیور .

امام دارالهیجره مالک بن انس الاصبجی عندنده عمل اهل مدینه اجماع اولیلور . فقط جمهور علمایه کوره عمل اهل مدینه اجماع اولدینی کبی حجت بیله دکدر .

امام مالکک بومذهبی بیان ایدنلر کک مذهب مالک اوزره بولسونلر ، کک مذاهب سائر سالکینی اولسونلر ، اصلا بر نقطه ده اتفاق ایده میورلر . امام مالکدن شایع اولان عمل اهل مدینه مسئله سنی درلو درلو تفسیر ایتمکلرندن بو خصوصده اقوال عدیده حاصل اولمشدر :

۱ - اهل مدینه دن مقصد انجق مدینه ده بولنان اصحاب کزین در ، بشقه لری دکدر . نته کیم بعض مالکیه بوکا قائل اولمشدر .

۲ - اهل مدینه دن مقصد انجق مدینه ده بولنان اصحاب کزین ایله تابعین در .

ابن امیر الحاجک بیانه کوره یونس بن عبدالاعلی امام شافعی دن شویله بر روایت ایدیلور :

قدماء اهل مدینه نک قبول ایتمکلری شینک حق اولدیغنده اصلا شک ایتمه .

بوروایتیه نظراً مدینه نک عمل قدیمی امام شافعی عندنده حجتدر . امام احمد بن محمد بن حنبل الشیبانی نک ظاهر مذهبه کوره خلفاء راشدینک سنتی حجتدر ، اکا اتباع واجبدر . امام مشارالیه بیعت ابی بکر الصدیق ، بیعت عمر الفاروق ، بیعت عثمان ذی النورین ، بیعت علی المرتضی حقیقه « مدینه ده اولان بیعتلرک هبسی خلافت نبوتدر . » دیور . ابن الحاجب « المنتهی » ده ، قاضی عضد شرح مختصر منتهاده ، المولی الفناری فصول البدایعه ، جمال الدین الاسنوی شرح منتهاده اهل مدینه نی صحابه و تابعینه حصر ایدیلورلر .

۳ - اهل مدینه دن مقصد صحابه کزین ایله تابعین و اتباع تابعین در . ابواسحق شیرازی بومذهبی بعض مالکیه دن نقل ایدیلور .

[ ۱ ] بیوکدن بیوکه ، اولودن اولویه دیمکدر . نته کیم « ورنوا الحمد کابراً عن کابر » بیوکدن بیوکه مجدوشرفه وارث اولدیله « دینبر .

[ ۲ ] اصول زردوی فخر الاسلامک ، اللمع ابو اسحق شیرازی نک ، کشف عبدالعزیز البخاری نک آرلری در .

عن عائشه — مالك عن يحيى بن سعيد عن ابى سلمه عن ابى هريرة —  
مالك عن موسى بن عقبه عن كريب عن اسامة بن زيد وامثالي كبي .  
نوع ثانی . — فعل رسول ذیشانى نقل در . پیغمبر من صلى الله عليه  
وسلم افندمن حضرتلرینك منبرده مبارك ارقه لری قبله به قارشو ، وجه  
مليح لری ده ناسه متوجه اولدینى حالده قائماً خطبه او قوملرینى ؛ هر جمعه  
ایرتسی کونی ماشیاً ورا کباً قبایى زیارت بیورملرینى ؛ اصحاب کزینك  
اولرینه کیتملرینى ، خسته لرینى زیارت ایتملرینى ؛ جنازه لرنده حاضر  
بولولملرینى نقل کبی .

نوع ثالث . — تقریر رسول اکرمی نقلدر . اهل مدینه بی خورما  
اغاجی تلقیح ایتملرنده ؛ تجارت ایتملرنده ؛ ترزیلك ، رنجبرلك ، قیو مجلیق  
کبی صنایع مختلفه ایله اجرای صنعت ایتملرنده ؛ اشعار مباحه بی انشاد  
ایتملرنده ؛ ایام جاهلیه بی ذکر ایتملرنده ؛ محاربه اتناسنده کندیلرینى  
مهیب کوسترملرنده ، غیر مسلملرک طوقودینى البسه بی کیمه لرنده ؛  
غیر مسلملرک ضرب ایتملرکری درهم ایله معامله لرنده [۱] نهی ایتمیوب  
تقریر بیورملری کبی .

نوع رابع . — ترک رسول افخمی نقلدر . شهدای احدی غسل  
ایتملرینى ، صلاة عیدده اذان واقامت بولمیدینى نقل کبی .

بعض محدثین ذکر اولنان انواع اربعه ده اهل مدینه نك روایتی  
بلاد سائر اهلینك روایتنه معارض اولور ایسه اهل مدینه نك روایتی  
بلاد سائر اهلینك روایتنه ترجیح ایدیورلر . جمهور فقها بو اصله  
معارضدر . راوی نك مدینه لی اولمسینه مثلاً بصره لی ویا مصر لی اولمسى  
اره سنده فرق یوقدر . راویلر ارسنده فضل و تقدیم الحق عدل  
وضبطی اعتباریله در .

۱۰ — عمل اهل مدینه اعیان و مقادیری نقله ، اما کنی تعیینه  
مخصوصدر . ابن القیم الجوزیه بو مذهبی ده بعض مالکیه نك مذهبی اولمق  
اوزره بیان ایدیور .

صاحی ، مدی نقل ، منبرک موضعی تعیین ، حجره بی تعیین ، مسجد  
قبایى تعیین ، مصلی و بقیعی تعیین کبی .

۱۰ — عمل مستمری یعنی عهد جلیل رسالتدن اعتباراً زماناً  
بعد زمان متصل اولان عملی نقلدر . وقوفی ، مزارعه بی ، مکان مرتفعده  
اذانی ، قبل الفجر صبح ایچون اذانی ، قرآن وسنن ایله خطبه بی  
نقل کبی .

ابن القیم دیورکه : امام مالکک موطنده کلامی استقراء اولنور ایسه  
امام مشار الیهک انجق عمل مستمری نقلی قصد ایتمدیکی ظاهر اولور .  
ذکر اولنان اقوال عشره دن بعضیلرینك جمعی جائزدر . از جمله ابن الحاجب  
قول ثانی ایله برابر قول ثامنه قائلدر .

[ ۱ ] ابن القیمک تحقیقنه کوره رسول اکرم افندمن حضرتلرله خلفاء  
رسول الله مدت حیاتلرنده نه آلتون ، نه کوش ضرب ایتملرلر ایدی . انجق  
غیر مسلملرک مسکو کاتیله معامله ایدرلر ایدی ،

۴ — عمل اهل مدینه حجت دکدر ، بلکه مرهجدر یعنی اهل  
مدینه نك اجتهاد واستدلالی بلاد سائر اهلینك اجتهاد واستدلانه  
مرهجدر . بعض مالکیه نك مذهبی بودر .

۵ — عمل اهل مدینه یعنی اهل مدینه نك اجتهاد واستدلالی حجتدر .  
فقط خلاقی حرام دکدر . مالکیه مغار به « مغریلر » نك چوغی ، بلکه  
هپسی بوکا ذاهب اولملردر .

۶ — عمل اهل مدینه منقولات مستمریه یعنی چوق تکرر ایدن  
منقولاته مخصوصدر : اذان ، اقامت ، صاع ، مدّ کبی [۱]

قاضی عضدالایحی ایله ابن امیرالحاجک بیانلرینه کوره منقولات مستمره  
انجق بو درت شیئه مخصوصدر . ابن الحاجب ایله ابن الهمام بونی بعض  
مالکیه نك مذهبی اولمق اوزره بیان ایدیورلر .

۷ — قرآنی تنقیح الفصولده « عمل اهل مدینه طریقى توقیف اولان  
یعنی اجتهاد واستدلال ایله بیلنه میان محله حجتدر » دیور .

ابو اسحق شیرازینك بیاننه کوره مالکیه دن ابو بکر الابهری  
« عمل اهل مدینه طریقى اخبار اولان محله حجتدر » دیور . اجناس [۲]  
وصاع کبی .

قول سادس قول خامس دن دها شمولی در .

۸ — عمل اهل مدینه ، کرک منقولات مستمره ده اولسون ، کرک  
منقولات مستمره نك ماعداسنده اولسون ، مطلقاً حجتدر . ابن امیرالحاجک  
بیاننه کوره اکثر مغاربه نك ( مغریلر ) مذهبی بودر ، ابن الحاجبک  
مختاری بودر .

۹ — عمل اهل مدینه « مدینه اهلینك روایتلری بلاد سائر  
اهلینك روایتلرینه مرجح و مقدمدر . « اصلنه محمولدر . ابو اسحق  
شیرازی ایله ابن الحاجب و ابن امیرالحاج و ابن القیم الجوزیه بو مذهبی  
بعض مالکیه نك مذهبی اولمق اوزره بیان ایدیورلر . ابن السمعانی  
وسائر نك نقللرینه کوره امام شافعی نك مذهب قدیمنده بوکا دلالت  
ایدر اقوال وار ایدی .

ابن القیم الجوزیه نك تحقیقنه کوره مدینه اهلینك روایتلری درت  
نوعه آیریایر :

نوع اول . — قول رسول کریمی نقلدر . بو ایسه اهل مدینه نك  
احادیثی در : مالك عن نافع عن ابن عمر — مالك عن ابن شهاب عن  
سعيد بن المسيب عن ابى هريرة — مالك عن هشام بن عروة عن ابيه

[ ۱ ] صاع ایله مد اولک انواعنددر . صاع حجازیونه کوره بش رطل ایله  
نك رطل ، عراقیونه کوره سکنز رطلدر ؛ میمک ضعی ایله مد حجازیونه بر رطل  
ایله نك رطل ؛ عراقیونه کوره ایکی رطلدر .

رطل عراقی یوز اوتوزدرهم ، رطل شامی در تیوز سکنان درهمدر ، رطل  
مدنی اوتوز استار ( همزه نك کسر یله ) رطل عراقی یکریمی استاردر .  
بر استار التی یجق درهم ، رطل مدنی یوز طفسان بش ؛ رطل عراقی یوز  
اوتوز درهمدر .

بو بیاننه کوره برصاع اهل عراق و اهل مدینه به کوره بیک قرق درهم  
اولمش اولیور .

[ ۲ ] مثلاً شو فلانک جنسنددر ، بوده اوشینك جنسنددر کی جنسلر .



امام مالک قبول ایتدیکی عمل اهل مدینه یاسنت رسول الله ؛  
یاخود عمر الفاروقك قضایاسنه راجع در .

معلومدرکه امام مالک استاذی ربیعہ ؛ ربیعہ نك استاذی سعید  
بن المسیب ایدی . سید بن المسیب حضرت عمرک ( رضی الله عنه )  
قضاسنی الك زیاده بیلنردن ایدی .

مالک اهل مدینه ایله بلاد سائرہ اهل السی ارسنده منازع فیہ اولان  
مسئله حقیقہ « هذا احسن ما سمعت » دیر ایدی .

ایشته عمل اهل مدینه حقیقہ کی اقوال علما بونلردر .  
عمل اهل مدینه نك اجماع اولدیغنه قائل اولان مالکیه بروجه آتی  
ادله ایراد ایدیورلر :

۱- انما المدينة کالکبر تنفی خبثها وتضع طیبها = انجق مدینه  
کوروک کبی در مردارینی کیده ریر ، پاک اولاتی آیقور . - اخرجه البخاری .  
جواب : اعظم اصولین مالکیه دن ابن الحجاج بوحدیث شریف  
ایله استدلالی قبول ایتیمور ، بوحدیث شریف مدینه نك انجق فضلنه  
دلالت ایدر ، یوخسه اهل مدینه نك اتقاق ایله خطانک منتفی اولسنه  
دلالت ایتیمور دیور .

فی الواقع خطای اجتهادی نصل خبث اولور ؟ مجتهد مخطی اجره  
مستحق اولزمی ؟ اهل مدینه خطادن معصوم می ؟  
۲- مدینه مجمع اصحاب ومهیظ وحی در بلاد سائرہ مقیس  
دکلدر .

جواب : فی الواقع مدینه مجمع اصحاب و مهبط وحی ایسه ده « ومن  
اهل المدينة مردوا علی النفاق » نظم جلیلی موجبجه مناقیقین واعداى  
دینک جمعی ده مدینه در .

مدینه جامعه اصحاب دکلدر . چونکه کافه علماء مدینه ده طویلانما مشردر ،  
بلکه اسفار وغزوات مناسبتیله بلاد بعیده طاعیل مشردر . ارتق اهل  
مدینه نك عملی ایله ، اهل مکه نك ، اهل عراقک ، اهل شامک ،  
اهل مصرک ، اهل یمک ارسنده نه فرق واردر ؟ هیچ شبهه یوقکه سنت  
سنیه هانکی بلده ده بولنور ایسه اولده نك عملی عمل متبع اولور . بر  
محلده علما ومسلمین اختلاف ایدنجه بعضیسنک عملی بعضیسنه حجت  
اولماز . حجت انجق سنته اتباع در . سنت عیار عملدر : عملک عیاری  
سنت ایله بیلنیر ، یوخسه عمل عیار سنت دکلدر : سنتک عیاری عمل  
ایله متبع بیلنمز .

مسکنلرک ، دیوارلرک ، بقعه لرک ترجیح اقوالده نه تأثری اوله بیلیر ؟  
ترجیح اقوالده انجق اهلنک ، سکنه سنک تأثری اوله بیلیر .  
اوت اصحاب رسول الله تنزیلی مشاهده ایتدیلر ، تاویلی بیلدیلر ،  
صوکره کیلرک اوکره نه میه جکنی اوکرندیلر . اصحاب رسول الله فضل و دینده  
نصل مقدم ایسه لر علمنده ده اوله جه مقدمدرلر ، عمللری ده عمل متبع در ،  
اکا مخالفت اولونماز . فقط کثرت فتوح مناسبتیله بر چوغی مدینه دن  
آیرلدیلر . اکثر علماسی عراقه ، شامه ، مصره کیتدی .

۱۱- ابن امیر الحجاج بیاننه کوره یالکز مدینه اهل سنک اتقاق  
ایله اجماع حاصل اوله ماز . امام مالکک بویله بر مذهبی یوقدر .  
ابن بکیر ، ابو یعقوب الرازی ، ابو بکر بن منیات ، طیالسی ، قاضی  
ابوالفرج ، قاضی ابو بکر الابهری امام مالکک بویله بر مذهبی اولدیغنی  
انکار ایدیورلر . فقط ابن القیمک تحقیقنه کوره بوذوات عمل استدلالی  
واجتهادی ده اهل مدینه نك عملی اجماع دکلدر . نه امام مالکک ، نه ده  
معمدین اصحاب مالکک بویله بر مذهبلری یوقدر . انجق عمل نقلی ده اجماع  
اهل مدینه مجتهدر ، دیورلر .

۱۲- شیخ الاسلام الحراتی ایله ابن امیر الحجاج عمل اهل مدینه ده  
درت مرتبه بولیورلر . هر برینک حکملرینی ایریورلر .  
مرتبه اولی . - فخر المسلمین افندمر حضرتلردن نقل مجراسنه  
جاری اولان عملدر . مقدار صاع ومدی نقلری کبی . مرتبه اولی بالاتفاق  
مجتهدر .

مرتبه ثانیه . - عثمان ذی النورین رضی الله عنه حضرتلرینک  
شهادتدن اول مدینه ده کی عمل قدیمدر .

بونک سببی شودر : حضرت عثمان ذی النورینک شهادتدن صوکره  
امت طاغیلدی ، بلاد سائرده ده مدینه ده ظهور ایدن فقها کبی فقها  
ظهور ایتدی . نه کیم اقضی الصحابه حضرت علی المرتضی عراقه کیتدی ،  
طلحه و زبیر حضرانی ده مدینه دن آیرلدیلر .  
مرتبه ثانیه امام مالک عندنده مجتهدر .

یوقاریده ذکر اولندیغنی وجهله یونس بن عبدالاعلانک روایتنه کوره  
امام شافعی نك ده مذهبی بویله در . ابن الحجاجک مختاری بو اولدیغنی کبی  
فصول البدایعه ، مختصر منتهی شرحنده ، منهاج شرحنده عمل اهل  
مدینه صحابه و تابعینه حصر اولونمش ایدی .  
مرتبه ثالثه . - حدیثین ، قیاسین کبی دلیلین متعارضیندن برینه  
موافق اولان عملدر .

مرتبه ثالثه امام مالک و شافعییه کوره مرجح در ، امام اعظم ابو  
حنیفه یه کوره مرجح دکلدر ، حنابله عندنده ایکی قول واردر :  
بر قوله کوره مرجح دکلدر ، ابو یعلی و ابن عقیلک مذهبلری بودر ؛  
قول آخره کوره مرجح در ، ابو الخطابک مذهبی بودر . بو مسئله امام  
احمد دن ده منصوص ( اوچنچی معنایه کوره ) در .

مرتبه رابعه . - مدینه ده کی نقل متأخردر . نقل متأخر جمهوره وائمه  
ثالثه یه کوره اصحاب مالکک محققینه کوره ده حجت دکلدر .  
نته کیم قاضی عبدالوهاب العراقی بویله جه ذکر ایتشددر .  
شیخ الاسلام الحراتی ایروجه شویله بیان ایدیور :

امام مالکدن مشهر اولان اجماع اهل مدینه مسئله سی قرون مفضلیه  
مخصوص ایدی . اعصار مفضلده کی اجماع اهل مدینه ، امام مالک و اصحابنه  
کوره حجت ایدی ، جمهور علمایه کوره حجت دکل ایدی . قرون مفضلده دن  
صوکره بتون علما متفقاً اهل مدینه نك اجماعنی حجت اوله رق قبول  
ایتیمورلر .

عمل اهل مدینه یا نه معارض اولور؛ یادیکر بلده نك عملنه معارض اولور؛ یا خود بو اوچنده معارض اولمازا. اگر مالکيه بو عمللری تفریق ایتزلرایسه نص وعقلک تفریق ایتدیکی امور مختلفه نی مساوی طومش اولورلر، شاید بو عمللری تفریق ایدرلرایسه عمل معتبر ایله عمل غیر معتبری آیریجی بر دلیل لازمدر. حالبوکه بویله بر دلیل ده ذکر اولونمیور.

۳ - عادة اجتهاده احق اولان علمادن بویله بر جاعتک انحق دلیل راجحه مبنی اجماع ایتدکرینه حکم اولنور.

بودلیل ابن الحاجب طرفدن ایراد اولونمشدر.

بوکا شویله جواب ویریلدیور: عادت اجتهاده احق اولان علمادن بر جاعتک انحق دلیل راجحه مبنی اتفاق ایتدکرینه حکم ایتز. چونکه او جاعتده امتک بر قسمی در، امتک دیگر بر قسمی اولان جاعتک تمسک ایتدکری شی ده راجح اوله بیلیر. نه قدر راجح اولان شیلر واردر که ا کا کسب اطلاع اولونماز.

تقیی:

تفصیلات معروضه دن مستبان اوله جنی وجهله عمل اهل مدینه نی قبول ایدنلر عندنده قدر مشترک عملی سننه ارجاع در، سنتی عیار عمل طوتیورلر؛ عملی قضایای عمره ارجاع ایدیورلر، قضایای عمر الفاروقی عیار عمل طوتیورلر؛ عملی فقهانک اتفاقه ارجاع ایدیورلر. اتفاق فقهای عیار عمل طوتیورلر؛ عملی، سنت شایعه ظن ایتدکلرندن ناشی قبول ایدیورلر.

عمل سنتدن ویا اجماع امتدن ویا قضایای فاروقدن متولد اولیور. یوقسه اهل مدینه نك طوغریدن طوغری به ایشلدکری عمله سنت دیمیور، عمل اصل اولیور، عمل عیار سنت اولیور.

بناءً علیه « امام مالک حضرتلری مدینه اهالیسنک اجتماعی عنعنه - سنیده سنتک خلق آره سننده منتشر برشکل دیه رک مابه التطبيق عدایدیور ایدی؛ امام مالک مدینه اهالیسنک اجتماعی عنعنه سنی سنت شایعه اوله رق قبول ایدیور؛ امام مالک حضرتلری نك سنت شایعه سنی ده دینی عاملارک تحت تأثیرنده وجوده کان وعینی زمانده دینی برشکل آلان عرفدن بشقه برشی دکادر» کی سوزلردن مقصد: عمل اصلدر؛ عمل سنتدن متولد دکادر، عمله سنت اطلاق اولنمشدر. دیمک ایسه، خطای عظیم در. بونی نه امام مالک، نه اصحاب مالک، نه کنندی بیان برمالکی سویله مه مشدر.

اگر مقصد: عمل سنتدن متولددر؛ عمل اصل دکل، بلکه سنت اصلدر؛ سنت شایعه به عمل اطلاق اولونمش دیمک ایسه طوغری در. فقط کلامک سیاق وسباقی احتمال ثانی به مساعد کورونمیور، بلکه احتمال اوله ده مساعد کورونمیور. چونکه عرفه حدندن زیاده اهمیت ویریلن، عرف نص جلیله معادل طوتیلان بر مقامده عمل اهل مدینه تنویر مدعی ایچون سرد اولنور. احتمال ثانی اصلا مدعای تنویر ایتز. بلکه ابطال ایدر، احتمال ثانی مقصد خادم دکل، مقصدی هادمدر. چه نکه احتمال ثانی بشقه بلده نك نه عرفنه، نه اجماعنه، نه سنتنه اعتبار ایتدیور؛ کنندی

اقضی الصحابه علی المرتضی، مجتهد اعظم ابن مسعود، فقیه ابوموسی الاشعری، حذیفه بن الیمان، عمار بن یاسر، عمران بن حصین، سلمان الفارسی وامثالی عراقه؛ معاذ بن جبل، ابو الدرداء، عباد بن الصامت، بلال بن رباح وامثالی شامه کیتمشلرایدی.

کوفه وبصره ده اوچوز شوقدر، شام ومصره ده همان او قدر صحابه واریدی.

نصل اولورکه اصحاب کزین مدینه ده بولندقلری مدتجه عمللری معتبر اولسون، بشقه لرینک مخالفتی نظر اعتباره آلمسون ده مدینه دن آریلنجه عمللری معتبر اولسون؟

نیچون مدینه نك دیوارلرندن آریلینلرک عمللری معتبر اولیورده، دیوارلرندن آریلینلر عملی معتبر اولیور؟

ارتحال نبی ایله وحی منقطع اولمش، امته انحق کتاب وسنت قالمشدر. هر کیمده سنت سنیه بولنور ایسه انک عملی معتبر اولور.

اربابنه معلوم اولدینی اوزره جمهور صحابه نك مفارقتندن سوکره اهل مدینه به سنن رسول اللهدن بعضیسی خفی قالمش ایدی. نته کیم حضرت علی المرتضی وابن مسعود ومعاذ بن جبل وابو موسی وسائرهدن «رضوان الله تعالی علیهم اجمعین» روایت اولنان احدینک بر چوغنی اهل مدینه روایت ایتامشدر.

نصل اولورده کندیلرینه سنت خفی قالان کیمسه نك عملی ایله سنت ترک اولنور؟ نصل اولورده سنت معصومه عمل غیر معصوم ایچون ترک اولنه بیلیر؟

عمل هیچ بر وقت نص جلیله مقابل اوله نماز، کنندیسی کی بر عمله مقابل اولور. بشقه بر بلده ده نص جلیل (رنجی معنایه کوره) بولنور ایسه نص جلیل بلا معارض قالیرده نص جلیل ایله عمل اولنور.

بالذات امام مالک بیله بو حاله راضی اولمیور. نته کیم هارون الرشید بوکا عزم ایتمش ایکن حضرت امام بونی منع ایتمش، «اصحاب رسول الله اطرافه طاغیلمشدر، هر طائفه ده دیگرلرنده اولیمان علم واردر» دیمش ایدی. امام مالک انحق عمل اهل مدینه نی کنندیسی ایچون اختیار ایتمشدر. نه موطأنده، نه بشقه بر یرده «عمل اهل مدینه نك غیر بیسیله جائز دکادر» دیمه مش، بلکه «بو: عمل اهل مدینه در» دیمش ایدی.

امام مالک قرقدن زیاده مسئله ده اهل مدینه نك اجماعنی ذکر ایدیور. بو مسائل اوچ نوع اوله بیایر:

نوع اول - بلاد سائر اهالیسنک اهل مدینه به مخالف اولدقلری معلوم اولیمان مسألدر.

نوع ثانی - بلاد سائر اهالیسنک اهل مدینه به مخالف بولندیی مسألدر.

نوع ثالث - اهل مدینه آره سننده اختلاف بولنان مسألدر.

امام مالک بن انس الاصبیحی اگر نوع اولی قصد ایتمش ایسه شبهه یوقکه حجتدر. بالعکس نوع ثانی ایله نوع ثالثی قصد ایتمش ایسه دلیل یوقدر، بلا دلیل در.



عبداللہ بن مہیرک شہادت :

داہا سوکرا شہید اولانلرده ، کہدیک محافظی بولونوب غنیمت آلمق ایچین قوشمایان و آرقه داشلرینه اویمایوب پیغمبرک امری موجبجه یرینی بوشلامایان ( عبداللہ بن جبر ) ایله فداکار رفیقاری ایدی . بووظیفه قربانلرینی ( خالد بن الولید ) سواریلری ، چیکنه یوب کجدی و او کجیش ، اسلام اوردوسنک آرقه دن قوشادیلوب محاربه یی غیب ایته لرینه سبب اولدی .

پیغمبرک امرینی طومار قدری ایچره المبرک عتابی :

باق ، وظیفه محلی بیراقان اوچیلر حقدنه جناب حق نه بویوردی : بسم الله الرحمن الرحيم . ولقد صدقکم الله وعده اذ تحسبونهم باذنه حتی اذا فسلمتم وتنازعتم فی الامر وعصیتم من بعد ما اراکم ماتحبون منکم من یرید الدنیا ومنکم من یرید الآخرة ثم صرفکم عنهم لیبتلیکم واطقت عفا عنکم والله ذو فضل علی المؤمنین .

الله اعلم مألئ :

« هانی اذن الاهی ایله مشرکاری اولدورویوردیکیز ، ایشته اووقت الله ، سزه اولان غالبیت وعدنده صادق ایدی . لکن ایسته دیککیز مظفرتی سزه کوسته رد کدن سوکرا سز ، قور قافلنه و بولوندیغکیز کهدیکی محافظه ایدوب ایتمک خصوصنده منازعه یه قالدیشدیکیز ، پیغمبرک و یرمش اولدینی امرده عصیان ایله موقه کیزی ترک ایله دیکیز ایچکزدن بعضیسی دنیایی ، بعضیسی ده آخرتی ایستیوردی ، یعنی بعضکیز غنیمت آلمق ایچین موقعنی بیراقبور ، بعضکیزده الله یولنده اولمهی کوزینه آلوب یرندن آریلیوردی . سوکرا سزی امتحان ایچین دشمندن کری چه ویردی ، یعنی غالب کلشکن سزی مغلوب ایله دی . بونکله برابر سزی عفو ایتدی که جناب حق ، مؤمنلره قارشئ فضل و کرم صاحبدر »

وظیفه لری باشندن چکیلدکری ایچین اوچیلرک اوغرادینی شو تکدیره دقت ایتدیگی ؟ جناب حق ، اولری عفو ایتدیکنی خبر و یرمکه برابر اوردونک بوزولماسنه آنجاق کندیلرینک سبب اولدیغنی یوزلرینه قارشئ سویلیور .

حال بو که : بونلر ، ایلك مسلمانلردن والله یولنده مالنی ، جانی اسیر که مین انسانلردنر . بویله محترم کیمسلر ، یایدقاری بر قصور اوزهرینه اللهک متابه اوغرارلرسه بزم کبی آداملرک وظیفه باشندن صیویشماسنده نه قدر عتابه ، حتی عتابه دکلدده ، عذابه دوچار اولاجقاری دوشونملی .

بما به اید ثابت بن وقشک شہادت :

اسلام اوردوسنک محاصره سی اوزهرینه مجاهدلره بر شاشقینلق عارض اولدی . اوکده کیلر ، دونوب آرقه دن کلنلری چه و یرمک ایسته دیلر و دوندکری وقت ، پارولای شاشیرمش اولان مسلمانلری دشمن

بلده سنک عرفنده عرف امت دیمبور . فقط عرف بلده سنت رسول الله ، اجماع فقهاء دینه ، قضاء فاروقه راجع در ، دیور . سنقی عرفدن چیقارمیوب ، عرفی سنندن چیقاریور . مقصدده یارایان عرفه سنت دیمک ، عرفی نص تلقی ایتمک در . حالبو که بویله دین برمالکی یوقدر . ارتق حکم مقصدده کوره اوله جفندن بومعنایه ترتب ایدن حکم : غفلت ، خطا ، خطیئه ، بطلان در .

« دیگر جوابلرده انشاالله کله جک هفته »

ازمیری اسماعیل حق

اسلام عسکرینه

« اصیرم » ک شہادت :

بونلردن سوکرا ( اصیرم ) ده یلن ذات ، شہید اولدی .

بوآدام . اولجه ایمانه کله دیکی کبی قوم و قبیله سنده مسلمان اولدقاری ایچین سویله نیردی . بر آراق مدینه دن بر یره کیتمش و دونوشنده قبیله سنندن بمضیلرینک رسول الله ایله برابر محاربه یه کیتمش اولدقاری خبر آلمشدی .

بونک اوزهرینه قلبنده اسلام محبتی او یاندی . سلاحلنوب آتیه بینهرک جنک میداننه قوشدی و آغیر صورتده یارالانوب دوشونجه یه قدر مشرکلره قهرمانجه سنه دوکوشدی .

کندیسی صوک نفسنده ایکن بولدیلر و قبیله سنه یاردم ایچنی ، یوقسه مسلمان اولدیغندی ؟ کلدیکنی صوردیلر . « الله ورسولنه ایمان ایله بهرک کلدیم والله رضایی ایچین محاربه ایتدم » دیدی ، اوندن سوکراده جان و یردی .

پیغمبر افندیزه بوندن بحث ایتدیلر . رسول الله حضرتلری « او ، اهل جنتدر » بویوردی .

احبابدن ( ابو هریره ) حضرتلری « نماز قیلما دن جنته کیره جک بری وارسه اوده اصیرمدر » دیردی .

منظرک شہادت :

داہا سوکرا ( حنظله بن ابی عامر ) حضرتلری شہید اولدی . بو ذات شریفک باباسی مرتد ، یعنی دینندن دوئمش ، قاین آتاسی ، یاخود قاین برادری اولان ( ابن سلول ) ده منافق لک باشی اولدینی حالده کندیبی ، دینی بوتون بر مسلمان ایدی . برکیجه لک گوویگی ایکن کلین اوطه سنندن چیقوب ، صاواش میداننه قوشمش و دشمن قوماندانی اولان ( ابو سفیان ) ک یاننه قدر ایلرله یوب اونی آتدن دوشورمش ، حتی باشنی کسمه سنه آز برشی قالمشدی . لکن ( شداد ) آدی بر مشرکک آرقه دن وورماسیله شہید اولدی .

باباسی ( ابو عامر ) دشمن اوردوسنده بولوندینی جهتله مشرک قاریلری ، یالکیز بوذاتک بورتنی ، قولاغنی کسمه دیلر .